


卷四十二  
保嬰女撮要九



門中武  
號 84  
卷 17

保嬰撮要卷十六

薛氏醫按

吳郡薛 已著

江都吳中珩校

跌仆外傷

傷損之症若色赤腫痛而血出不止者肝心內熱也用柴胡梔  
子散色白不痛而血出不止者脾肺氣虛也用補中益氣湯漫  
腫不消者元氣虛弱也用五味異功散黯腫不散者瘀血凝滯  
也用加味逍遙散肌肉作痛出血多而煩熱者血脫發躁也用  
獨參湯因亡血而煩躁不安者營衛俱傷也用八珍湯加柴胡  
牡丹皮久痛不止者欲作膿也用托裏散以指按腫而復起者  
膿已成也宜刺洩之膿出而反痛者氣血內虛也用十全大補  
湯若骨髁接而復脫者肝腎虛弱也用地黃丸如兼餘症當參

保嬰撮要

保嬰撮要

保嬰撮要

各門治之

一小兒傷臂出血作痛面色青赤此因驚而肝火動也先用柴胡清肝散血止痛減次用托裏消毒散患處漸潰又用托裏散而愈後因其母多食膏粱之味又惡寒發熱腫痛色赤悞服敗毒之藥口噤流涎手足並冷余謂脾胃復傷而虛寒也先用六君子湯加薑桂數劑而元氣漸復又用五味異功散月餘而瘡口斂愈

一小兒傷指出血過多遂至昏憤口噤手撒時搗此氣虛血脫也用獨參湯數劑而安又用五味異功散及托裏散而愈

一小兒傷足憤腐肉白不斂此脾胃虧損而血氣不能達於患處也先用五味異功散助其胃次用十全大補湯益其營月餘而愈

一小兒傷足內潰成膿食少惡心此脾胃氣虛而成痰也用六君子湯飲食頓進膿亦外泄但體倦嗜熱朝用補中益氣湯夕用異功散及間服八珍湯而垂愈後因飲食失宜發熱患處大潰出膿口噤振顫或瘰癧流涎余謂胃氣虛肝火內動先用獨參湯四劑仍如前朝服補中益氣湯夕服五味異功散加柴胡升麻元氣漸復佐以托裏散而瘡斂

一小兒傷指數涼藥腫玉手背出清稀飲食少思此血氣虛弱故也朝用異功散夕用托裏散膿水漸稠患處紅活又用八珍湯而愈

一小兒傷廉青腫不消面色痿黃仍欲行氣破血余謂此因脾氣復傷血滯而不行也不信乃服破血之劑飲食不進寒熱如瘧余朝用補中益氣湯夕用八珍湯及葱熨法而愈

一小兒臂傷貴而寒熱用八珍湯漸愈後因飲食所傷吐瀉不止  
止搖頭咬牙此脾氣虛而肝邪內侮也用六君升麻柴胡而安  
又用十全大補湯六君子湯而愈

一小兒閃足腫痛而肉色不變此陽氣虛弱傷在骨也頻用葱  
熨法五更用和血定痛丸日間用八珍湯數日後佐以六味地  
黃丸三月餘而瘥

一小兒臂骨出髓接入腫痛發熱用葱熨法及異功散加柴胡  
續斷骨碎補四劑又用補中益氣湯而瘥

一小兒閃足骨痛肉色如故頻用炒葱熨之五更用和血定痛  
丸日間用四君芎歸數劑後用地黃丸三月餘而瘥蓋腎主骨  
故用地黃丸以補腎也

一小兒折臂出血過多發躁作渴面目色赤脈洪大而數按之  
無力此血脫發躁也服當歸補血湯而安遂令正體科續接服  
接骨丹翌日睡而驚動此血尚虛也蓋血生於氣乃用五味異  
功散加柴胡升麻當歸而安後手足微搐眉唇微動此血虛而  
肝火內動也用四君芎歸鈎藤鈎柴胡漸愈却用托裏散八珍  
湯而全愈血脫發躁若用四物之類復傷脾氣多致不救設誤  
白虎湯其危尤速

一小兒跌傷臂骨出髓翌日接入腫痛發熱不食用葱熨法其  
痛即止又用六君黃芪柴胡桔梗續斷骨碎補而食進腫消又  
用補中益氣湯加麥門五味數劑熱退而愈

一小兒十五歲傷腿內潰針出穢膿虛症悉具用大補之劑漸  
愈後因勞動手撒眼閉汗出如雨急炒熱艾頻熨臍腹及氣海  
穴更用人參四兩炮附子五錢作一劑水煎徐徐灌服良久臂

能少動再劑眼開而能言惟氣不接續乃用參芪歸朮四味共  
八兩附子三錢水煎連進二服氣少復乃減附子又三劑元氣  
漸復後用獨參湯多服而痊

一女子閃右臂寅卯時發熱作痛余決其膽經血虛而火盛先  
以四物合小柴胡湯四劑而熱退更以四物湯加香附陳皮白  
朮茯苓各一劑山梔五分芩連甘草各三分二十餘劑腫消而  
愈

一小兒閃臂腫痛發熱惡寒飲食少思余謂脾胃氣虛而壅腫  
也朝用補中益氣湯夕用五味異功散間服八珍湯三月形氣  
漸充而愈

一小兒因跌傷脛漫腫作痛肉色如故服破血流氣之藥反增  
腹痛以手按之則痛少止余謂此因脾胃虛弱誤服破血流氣  
之劑而然非瘀血也未幾患處腫消色黯飲食不入腹痛尤甚  
手足厥冷余用人參一兩附子一錢數劑脾胃漸復飲食漸進  
患處腫痛肉色變赤蓋始因元氣不足不能運及故腫消而色  
黯服藥之後元氣漸充故脛腫而色赤也次用大補湯托裡散  
三月餘而愈

一小兒閃臂腫痛面目天白恪服流氣飲之類益加腫痛余曰  
此形病俱虛之症也前藥所當深戒者彼謂腫痛為氣滯血凝  
非流氣飲不能疎導經絡非破血藥不能消散壅逆余言聳牙  
而前症益甚發熱煩燥始請治余余曰元氣虛憊七惡蜂生雖  
盧扁亦不能起矣遂歿

一小兒傷臂腫痛內服外敷皆寒涼止痛之藥半載後潰而腫  
痛余謂此非托裡溫中不能生也不悟確守前藥以致血氣凝

盡而亡

一小兒跌腿青腫所服皆行氣破血之藥後骨髀內潰青腫益深朝寒暮熱余戒之曰此氣血俱虛甚矣須調補脾胃不可不信

一小兒閃腰作痛服流氣等藥外腫不赤余曰此兒雖經閃肋然亦稟賦腎氣不足而使之者延久益虛恐為不治彼以迂緩視之後果不起

消腫定痛散治跌撲腫痛

無名異炒

木耳炒

大黃炒各五分

右為末蜜水調塗腫處內有瘀血者砭去敷之患處潰者用當歸膏敷之尤効

經驗方治跌撲瘀血不散腫痛不止或筋骨傷損疼痛

黃栢一兩

半夏五錢

右各另為末用薑汁調塗患處以紙貼之如乾再用薑汁潤之日易新藥

神効太乙膏治一切瘡疽潰爛

玄參

白芷

當歸

肉桂

赤芍藥

大黃

生地黄各一兩

右取咀用麻油四十兩入銅鍋內煎至藥黑濾去粗徐入淨黃丹一斤再煎滴水中捻軟得中即成膏矣

廻陽玉龍膏

又名柳陰散

治跌撲損傷因敷涼藥或人元氣虛寒腫

堅不散潰腐不斂及癰腫肉色不變或腫而不潰潰而不斂筋攣骨痛一切冷症方見敷與涼之藥

乳香定痛散治杖瘡金瘡一切瘡瘍潰爛疼痛方見作痛不止

猪蹄湯治一切癰疽杖瘡潰爛消腫毒去惡肉潤瘡口

白芷

黃芩

當歸

羌活

赤芍藥

露蜂房

孔多者佳

生甘草

各五錢

右用猪蹄一隻水四五碗煮熟去油粗取清湯入前藥煎數沸溫洗隨用膏藥貼之

跌仆內傷

傷損之症若腹中作痛按之痛甚者瘀血在內也用加味承氣湯下之下後按之仍痛者瘀血未盡也用加味四物湯調之按之不痛者血氣傷也用四物加參芪白朮下後發熱胸脇作痛者肝血傷也用四君加川芎當歸下後惡寒者陽氣虛也用四君加炮乾薑下後發熱者陰血傷也用四物加參朮牡丹皮下後寒熱間作者氣血俱傷也用八珍湯加柴胡欬嘔作嘔者胃

氣傷也用六君加當歸半夏因乘怒跳躍而胸腹悶痛喜手按摸者肝火傷脾也用四君加柴胡山梔畏手按摸者肝血內滯也用四物加桃仁紅花胸脇作痛飲食少思者肝脾氣傷也用四君加柴胡丹皮若胸腹脹滿飲食不思者脾肝氣滯也用六君加柴胡枳殼咬牙發搐者肝盛脾虛也用異功散加川芎山梔釣藤鈎天麻若用風藥則陰血益傷肝火益盛或飲糖酒則腎水益虛肝火愈熾若用大黃等藥內傷陰絡反致下血壯實者或成痼疾虛弱者多致不起凡傷損之症有瘀血停滯於內者雖裸體亦以手護腹脇蓋畏物觸之而痛也世俗槩以內傷陰虛腹痛不辨虛實專用破血之劑以速其危其得不死者亦幸矣

一小兒跌仆腹痛作嘔惡心氣口脈大此飲食停滯也用保和

丸二服吐出酸食惡寒發熱倦怠不食此脾胃傷也先用六君子湯次補中益氣湯間服而愈

一小兒墜樓良久方甦呻吟不絕目以手護其腹此內傷瘀血停滯也用當歸導滯散二錢熟酒調下而呻吟頓止次用四物加柴胡牡丹皮而安

一小兒跌仆瘀血腹痛用導滯散下之瘀血甚多隨作煩躁面赤作渴欲飲此血脫也用獨參湯而安又用四君當歸黃芪及五味異功散而愈

一小兒因怒跳躍脇胸作痛或以爲內傷瘀血服大黃之藥純下鮮血其痛益甚按之則痛止此肝脾氣血俱傷也用四君加芎歸四劑而痛止又以異功散加升麻柴胡而飲食進元氣漸復病亦隨愈

一女子因怒搥胸腹痛經行如崩作嘔不食面色青赤兩關脈大而虛此肝經火動脾經血傷也用加味逍遙散二劑血止次用異功散加柴胡升麻而愈後因復怒腹痛作瀉面青此肝木乘脾也用六君柴胡升麻而痊

一小兒因跌傷臂出血腹痛惡食嘔吐發搐咬牙此因驚駭停食肝火內動而侮於脾也先用保和丸二服嘔吐腹痛悉止又用異功散加柴胡山梔發搐咬牙亦愈却用托裡散患處潰而悉痊

一小兒跌仆發搐吞酸腹痛惡心寸口脈大余謂此飲食內傷也不信服當歸導滯散瀉五次目直咬牙手足厥冷此脾胃之氣復傷而木火內動也用五味異功散加乾薑一劑稍緩又二劑漸愈乃去乾薑加柴胡再服而全愈



一小兒跌仆因服大黃之藥下血發熱腹痛嘔吐按其腹却痛用五味異功散加當歸升麻二劑腹痛頓止又二劑而血止又二劑而熱止又二劑而元氣復

脇脹悶

沒藥

乳香

川芎

川椒

當歸

紅花

桃仁

血竭

各一兩

自然桐 四錢火煨醋煮七次

右為末用黃蠟四兩鎔化入前藥急攪勻丸彈子大每服一

丸酒一鐘煎化服

復原通氣散治打撲傷損作痛及乳癰便毒初起或氣滯作痛尤効

木香

茴香 炒

青皮

川山甲

酥炙

陳皮

白芷

甘草

漏蘆

貝母

各等分

右為細末每服一二錢溫酒調徐徐服

加味芎藭湯治打撲仆墜筋骨疼痛血瘀皮膚不破入胃作嘔或為嘔血

芎藭

當歸

百合

水浸半日

白芍藥

炒

荊芥蕙

各二錢

右作二三劑酒水煎服

當歸導滯散治跌撲瘀血在內胸腹脹滿或大便不通作喘吐血

大黃

當歸

各等分

右為末每服一二錢溫酒調徐徐服

黑丸子 一名和血定痛丸 治跌撲仆墜筋骨疼痛瘀血不散壅腫作痛

李氏醫案

宋景文公集卷十六

通雅

或風寒所傷肢體疼痛若流注鶴膝風初起服之自消如潰而膿清發熱者與補氣血之藥自斂

方見流注

### 舌斷唇傷

凡舌斷者須乘熱接上急用雞子輕擊周圍去硬殼取膜套古上以洪寶丹敷膜上自然接續若良久舌已冷不必用接但以洪寶丹敷之其舌自生所斷唇舌雞子膜含護恐風寒傷之外症若寒熱作痛用四物加柴胡瞀熱作痛加地骨皮倦怠少食用四君加芎歸柴胡惡寒少食用托裡散加參芪若煩渴發熱用當歸補血湯如不作痛但用四君之類以健脾則肌肉自生旬餘可愈不宜用辛熱之劑恐助火而益其痛也

一小兒舌斷半寸許敷洪寶丹服四物加柴胡痛定血止次服四君加柴胡山梔月餘而舌自完

一小兒十四歲疫病愈後嚙舌出血先君謂腎虛則嚙舌用地黃丸而愈後唾血咳血發熱痰盛仍用前丸而痊

一小兒唇傷出血不止以藥止之唇面腫大揭去其藥出血甚多腫亦頓消用托裡之劑及當歸膏患處潰而愈

一小兒唇傷腫痛發熱服清熱止痛之劑連瀉二次眉目搐動服祛風等藥手指俱冷手足搐動余謂脾土被肝木所侮用異功散加升麻柴胡半夏手溫而搐止仍用前藥佐以托裡散而愈

一小兒跌傷唇口發搐咬牙驚哭腹痛此出血過多肝火內動所致也用四物加柴胡山梔而安但喉痛至面此患處欲作膿耳用托裡散四劑頭目腫痛其脈滑數此膿已成氣虛而不能潰出也又用托裡散二劑膿出腫消若初傷時不遽用收斂瘡

口之藥則無此患也

一小兒傷唇出血發搐目直用柴胡梔子散一劑其搐稍定但

傷處熨痛外敷洪寶丹內服逍遙散而愈

一小兒跌傷面腫連唇頰出血熨痛發熱以花蓋石散敷之血

止痛定次用當歸補血湯而發熱頓止又用加味逍遙散八珍

湯而潰托裡散而斂

洪寶丹一名齊陸丹治傷損熨痛并接斷

天花粉二兩 薑黃 白芷 赤石藥各一兩

右為末茶湯調搽患處

一方用亂髮燒灰敷舌上接之又治擦落耳鼻乘熱蘸之接上

即愈亦須口含以防其冷

當歸補血湯治杖瘡金瘡血氣損傷或妄服峻劑致血氣俱虛

肌熱大渴引飲目赤面紅晝夜不息其脈洪大而虛重按全

無經曰脈虛血虛脈實血實蓋血虛發熱是也証似白虎湯

惟脈不長實為辨耳若誤服白虎湯必死此病多得於饑飽

勞役者方見發熱不止

四物湯治一切血虛發熱或因失血太多或尅伐太過或潰後

發熱煩躁不安並宜服之方見厥癰

柴胡梔子散方見厥癰

花蓋石散方見後

八珍湯

加味逍遙散二方見發熱不止

托裡散方見扶毒瘡瘍

腦骨傷損

腦骨傷損者用輕手搏令端正剪去其髮若皮不破敷黑龍散或葱熨法皮破則填乳石散以絹帛包之不可見風着水更用葱杵爛炒熱熨患處爲佳

一小兒傷腦出血過多發熱煩躁肉爛筋惕殊類風症欲作風治余曰無風可祛無汗可發法當峻補其血遂用聖愈湯一劑而安又用養血之劑而愈

一小兒傷腦腫痛出血外敷花蓋石散內服八珍湯而安後揭瘡痂出血碗許手足發搐寒熱痰盛此血虛兼驚肝火內動而生風也令服地黃丸及加味逍遙散而愈

一小兒傷脛骨出血腫痛惡寒少食睡中發搐先用異功散飲食漸進又用逍遙散發搐頓止再用歸脾湯母子並服而愈  
一小兒被傷手足發搐頓悶咬牙飲食不思此肝經血虛火動

生風脾土受侮而然耳用地黃丸異功散諸症漸退用八珍湯托裡散瘡漸愈

一小兒被傷面青懶食時作腹痛以手按腹却痛余以爲脾氣內傷而然不信妄服攻血之藥果吐瀉作嘔手足並冷余先用六君加柴胡升麻生薑又用托裡散異功散而愈

一小兒腦側近耳被傷寒熱作痛潰後不斂恪服止痛清熱之劑余曰寒熱作痛因肝經氣血虛也潰而不生肌肉脾經氣血虛遂用地黃丸異功散加歸芪諸症漸愈又用托裡散而斂

謙甫花蓋石散治一切金刃箭鏃打撲傷損或死者急搽傷處其血如入臟二便不通用童便和水煎入酒少許調服立効若腹破腸出急宜內入以桑白皮爲線縫合摻圍瘡上如瘡乾以津潤之

硫黃明淨者 四兩 花蕊石 一斤

右為末拌勻入瓦罐內用紙筋和泥固濟候泥乾漸添火煨至通紅經宿取出細研磁器盛用

加味逍遙散治傷損血虛內熱發熱或遍身搔痒寒熱或肢體作痛頭目昏重或怔忡頰赤口燥咽乾或發熱盜汗食少不寐或口舌生瘡耳內作痛或胸乳腹脹小便不利方見發熱

聖愈湯治杖瘡金瘡癰疽膿血出多熱躁不安或晡熱作渴等症方見出血不止

十全大補湯治杖瘡癢穢已出氣血俱虛腫痛不消或腐而不潰潰而不斂或惡寒發熱自汗盜汗飲食少思肢體倦怠若怯弱之人患處青腫肌肉不壞者服之自愈若有瘀血砭刺

早者服之自消或潰而膿水清稀肌肉不生或口乾作渴而

欲飲湯或砭後發熱惡寒頭痛目暈口乾作渴有似中風之症皆屬氣血虛也並宜服之即四君四物加肉桂黃芪

八珍湯一名八物湯治傷損等症失血過多或誤服劫伐之劑血氣耗損惡寒發熱煩燥作渴或瘡瘍因氣虛腫痛不消不能潰斂或潰瘍惡寒發熱膿水清稀久而不愈即四君四物

黑龍散治跌撲傷損筋骨碎斷先端正其骨以紙攤貼若骨折更以薄木片疎排夾貼却將小繩繫縛三日再用前法勿去夾板恐搖動患處至骨緊牢方不用板若被刀箭蟲傷成瘡

並用薑汁和水調貼如口破以玉珍散填塗

枇杷葉去毛入半兩 云山枇杷根 川山甲六兩炒黃 或煉存性

右為末薑汁水調或研地黃汁調亦好

地黃丸方見作渴不止

腹破腸出

腹破腸出者急復納入以麻縷縫合外敷花葑石散如脂已出急以手取去而縫之如已出而復推入則內潰害命矣若腸出乾燥者煮大麥粥取汁洗濕推入不時少以米粥研爛飲之二十日外始可薄粥百日後乃差切勿令驚驚則殺人矣用桑白皮線九佳

一小兒持碗跌仆腹破腸出即納入以麻線縫完敷花葑石散而愈

一小兒持刀而戲仆地刀入腹腸屎並出不救因腸破故不救也

一小兒傷腹發熱作嘔熅痛外敷內服皆止痛清熱之劑日晡益甚余謂脾經氣血益虛朝用補中益氣湯夕用四物參芪歸木諸症漸愈乃用托裡散瘡口自斂

一小兒脇傷成瘡膿清不斂寒熱發渴余朝用補中益氣湯培益脾氣夕用六味地黃丸滋補肝血漸愈却用托裏散異功散而肌肉自生

一小兒傷腹血出發熱煩躁先用當歸補血湯而安却用聖愈湯患處頓愈又用托裡散八珍湯而全愈

花葑石散 方見前

益氣湯 方見肌肉不生

托裡散 方見熱毒瘡瘍

地黃丸 方見作渴不止

當歸補血湯 方見發熱不止

聖愈湯 方見出血不止

陰囊被傷

陰囊被傷

陰囊皮破出血作痛者敷當歸膏初傷出血不可驟止之血瘀於內則作膿或傷口原小血出不盡而內潰甚至羶丸露出或陰囊盡潰者內服托裡之劑外敷當歸膏則囊自生其外傷腐潰及內傷瘀血作膿者皆同囊癰治之惟羶丸碎者不治

一小兒傷陰莖出血作痛寒熱發搐咬牙頓悶唇口牽動手足時冷欲用破傷風藥余謂出血諸症肝經主之唇動諸症肝木侮脾土也遂用異功散加升麻柴胡天麻治之頓愈

一小兒陰囊被傷腫痛不愈朝寒暮熱飲食少思余謂脾胃復傷之症當用參朮歸芪等藥治之不信別用清熱之藥果作瀉欲嘔手足並冷余先用六君加柴胡升麻而漸愈又用異功散加柴胡升麻而全愈

一小兒持碗什地誤傷陰囊羶丸露出血出不止寒熱時搐此肝經血虛而火動耳隨敷當歸膏服柴胡清肝散加熟地黃芪及六味丸而愈

一小兒被竹篾傷破陰囊出血甚多腹痛發搐咬牙流涎七日矣氣口脈大於人迎二三倍此因驚停食也切忌風藥余用五味異功散加柴胡鈎藤鈎而安凡傷損之症小兒患之多有夾驚夾食者夾食則氣口脈大於人迎或作嘔吐吞酸腹痛瀉穢等症夾驚則左關弦洪而軟或作頓悶咬牙目直項急等症日久不治若成破傷風疾則禍在反掌之間矣

一小兒陰莖被傷斷而皮相連寒熱作痛血出不止余謂急當剪去調補肝腎二經則熱自安痛自止矣遂用補中益氣湯加麥門五味子而愈

一小子因跌小腹部皮破服破血之劑陰囊脹腫作痛發熱按其

腹却不痛余謂當用補血之藥不信遂致不起

補中益氣湯治跌撲等症傷損元氣或過用剋伐惡寒發熱肢

體倦忘或潰後血氣虛弱不能生肌收斂或兼飲食勞役頭

痛身熱煩躁作渴脈洪大弦虛或微細濡弱自汗飲食少思

尤瘡瘍虛損之聖藥也 方見肌肉不生

柴胡清肝散 方見脇癰

地黃丸 方見作渴不止

### 金木所傷

傷損之症皆肝經主之若青腫不痛或腫不消者氣血虛弱也

用十全大補湯血出腫痛或作寒熱者血傷而肝火內動也用

四物柴胡山梔血出不止或發寒熱者氣虛而肝火內動也用

四君芎歸柴胡寒熱而內痛益甚者此欲潰膿也用參芪內補

散若膿出而反痛者氣血虛也用八珍湯瘡口赤而肉突者血

虛而肝火生風也用柴胡梔子散若膿出不止瘡口白而肉突

者氣虛而寒邪外凝也用補中益氣湯若膿潰而仍痛或潰而

不斂皆脾胃虛弱也用六君子湯若不固元氣或敷服寒涼則

肉黯不潰或潰而不斂多成敗症矣可不戒哉

一小兒傷手腫不消日出膿水少許飲食不思發熱惡寒面色

痿黃此脾胃氣虛也朝用補中益氣湯夕用五味異功散加升

麻月餘漸愈因飲食停滯服剋伐之劑患處漫腫更作嘔惡寒

余謂脾胃復傷用六君子湯加升麻柴胡治之而愈

一女子因怒仆復傷患處出血經行不止臂面青赤右關脈弦

數此肝脾二經火動不能統攝其血也先用小柴胡湯一劑又

用加味逍遙散二劑血止而安



一小兒傷內臟成瘡色黯久而不愈此肝脾氣血虛也先用補中益氣湯後用八珍湯加柴胡升麻漸愈再用地黃丸而全愈  
一小兒傷臂成瘡久而不愈寒熱作渴瘡口青白不合膿水時流先用參茸歸朮寒熱漸愈又用托裡散患處色和再用十全大補湯而愈

一小兒傷足成瘡外傳寒涼藥內服敗毒散久不潰腐余謂至陰之處血氣罕到又服尅伐之劑所以難腐也雖腐而不能斂也遂用托裡散加肉桂數劑稍知痛而色漸赤減桂又數劑而潰因飲食過多連瀉二日乃用五味異功散加升麻柴胡而瀉止仍用托裡散而愈

一女子十五歲傷手成瘡日出清膿少許日晡發熱此元氣虛也先用五味異功散加當歸升麻月餘元氣漸復乃用加味道

遙散及八珍湯異功散而愈

一女子十四歲修指甲誤傷焮痛妄傳寒涼及服敗毒之藥遂腫至手背肉色不變余先用內消托裡散手背漸消次以托裡散為主八珍湯為佐服兩月餘而愈其時有同患誤傷成瘡不固元氣專攻其傷者俱致不起

沒藥降聖丹治傷損筋骨疼痛或不能屈伸及外邪內傷筋骨緩縱皮肉刺痛肩背拘急身體倦怠四肢無力

沒藥另研當歸酒洗白芍藥 生地黃 骨碎補搗去皮

川烏去皮川芎各一兩半自然銅火煨醋淬十二次研末水飛淨一兩

右為細末以生薑自然汁與煉蜜和丸每一兩作十九丸每服一丸搥碎用水酒各半鐘入蘇木少許煎至八分去蘇木空心服

萬金膏治傷損筋骨疼痛

龍骨

鱉甲炙

苦參

烏賊魚骨

黃柏

黃芩

黃連

白芨

猪牙皂角

白斂

厚朴

草烏

川芎

木鱉子仁

當歸

白芷

沒藥

乳香

槐枝

柳枝

各四寸長二十一條

清油

四斤

黃丹

一斤半炒過淨

右除乳末黃丹外將諸藥於油內慢火煎黑色去相每油一斤入丹半斤不住手攪令黑色滴水中不粘手乃下乳沒再攪如硬入油些少以不粘手為度  
接骨散治骨折碎或骨出節先整端正却服此藥飛禽六畜所傷亦能治之

鵬砂一分 水粉五分

當歸各一錢

右為末每服二錢煎蘇木湯調服後但飲蘇木湯立効

又方皮破筋斷以膠香塗之或以金沸草汁頻塗自然相續

生葱

切斷一方生葱

土當歸

右煎湯溫洗或止用葱一味煎洗亦可

潔古沒藥散止血住痛

定粉

風化灰

各一錢

枯白礬

三錢另研

乳香

半錢另研

沒藥

一字另研

右為末搽之

塞上治撲損瘀血在內煩悶以執酒調服蒲黃二錢

勝金丹治肌膚傷損青腫用茄子通黃極大者切如指厚新瓦

上焙乾為末臨臥酒調服二錢一夜消盡無痕跡也

肘後治骨節傷損瘀血不出生鐵一斤酒三升煎取一升飲之

若肝經實熱血瘀則肝木自甚或兼口眼牽掣手足抽搐者

幸天醫案

保嬰撮要卷十六

七

醫方

宜用生鐵藉其金氣制之若血虛肝燥生風宜用四物柴胡  
釣藤鈎補宜清之若肝氣本虛金來尅木宜用瀉白散以清  
肺六味丸以補肝若腎虛不能生肝亦用地黃丸以滋腎水  
生肝木不可槩用

本事內消散治打撲傷損及一切癰腫未破

生地黃

研如泥

木香

各等分

右以地黃膏隨腫大小攤紙土摻木香一層又依前攤地黃  
貼腫上三五度即愈

治金瘡出血不止以五倍子爲末乾貼即止神効

又方用石灰萆菜石榴寄奴五倍之類乃澁滯收斂止血之劑  
氣血未耗內無火者用亦有效若血虛內熱宜犀角地黃湯  
之類凡金瘡出血不止素怯弱者當補氣素有熱者當清血

有怒氣者當平肝煩熱作渴昏憤不寧者當補脾氣筋攣抽  
搦者當養肝血不應用地黃丸以滋腎水自愈

治針入肉不出用臘螻蛄槌爛塗上或硫黃中末以紙覆之覺  
痒時其針即出用雙杏仁搗爛以車脂調敷以紙貼之二日  
一換三五次或烏翎三五枚炙焦爲末醋調塗之或用白梅  
入水研爛調象牙末傅之或以象牙和敷之其針皆即出

治魚刺入肉嚼吳茱萸封之白爛出  
丹溪治破傷風血凝心針入肉游行三症用生寒水石爲末調  
塗之其痛立止

補中益氣湯治跌撲等症損傷元氣或過用尅伐惡寒發熱肢  
體倦怠或潰後血氣虛弱不能生肌收斂或兼飲食勞倦頭  
痛身熱煩躁作渴脉洪大弦虛或微細濡弱自汗飲食少思

薛氏醫案

傷損

神應

瘡瘍氣血損之聖藥也 方見肌肉不生

神應葱熨法治跌撲傷損腫痛用葱頭細切杵爛炒熱敷患處

如冷易之再熨腫痛即止其効如神

二味參蘇飲治出血過多瘀血入肺面黑喘促

人參 二兩 蘇木 二兩 右每服五錢水煎服

桃仁承氣湯 加當歸即歸承湯 治傷損血滯作痛或發熱發狂等症

桃仁 研 芒硝 甘草 炙各二錢 大黃 酒蒸二錢

右作二劑水煎更量虛實用之

復元活血湯治從高墜下惡血流於脇肋疼痛不已

柴胡 五錢 當歸 三錢 甘草 二錢 川山甲 大黃 酒浸一兩

桃仁 去皮尖五 紅花 一錢 瓜蒌仁 二錢

右每服二三錢水酒煎五分熱服以利為度利後痛或不

服乳香神應散

消毒定痛散治跌撲腫痛

無名異 炒 木耳 炒 大黃 炒各五分

右為末蜜水調塗如內有瘀血砭去敷之腐處更用當歸膏

敷之尤好

藥蛆方治傷損成瘡潰爛生蛆用皂礬煨過為末乾摻其內蛆

即死

參芪內補散

人參 黃芪 當歸 白木 各一錢 白芷

防風 四分 川芎 六分 肉桂 甘草 炒各五分

右水煎作二三服

八珍湯 方見發熱不止

薛氏醫案

保嬰撮要卷下

神應

十全大補湯 方見便癰

葱熨法 方見流注

四物湯 方見脇癰

六君子湯

四君子湯 二方見腹癰

柴胡梔子散

小柴胡湯 二方見脇癰

逍遙散 方見發熱不止

地黃丸 方見作渴不止

托裡散 方見熱毒瘡瘍

五味異功散 方見用敗毒之藥

漆瘡

夫漆屬木木生火而能尅土惟脾虛之人多染之若遍身浮腫或嘔吐者用小柴胡湯加白朮陳皮茯苓若遍身或面目作痒者用前胡湯加連翹山梔若膿水淋漓或痒或痛者用柴胡山梔散若嘔吐不食或泄瀉腹滿者用四君升麻其外治之法當用鐵秀末調搽或蟹黃塗之或用麻油或浸芒硝淋場患處或礬石末紫蘇末擦之或人乳汁潤之或無名異末水調敷或用好花椒煎湯洗之或生薑汁敷之或乾荷葉濃煎湯洗之並効

風犬傷 附蛇虫痛傷

丹溪行義云犬屬陽其性熱大抵執極生風風熱相搏則為顛狂驚駭之狀此物理之自然者今人治風犬咬傷反以巴豆斑貓等燥熱之劑瀉毒從小便出如犬之形狀殊不知以熱濟熱血被傷而然非犬之毒也切宜慎之余見吳中凡被犬傷或出

血發熱者輒服斑猫巴豆等藥或至發搐咬牙卽以爲毒甚服之益堅遂致殞喪殊不知凡被傷受驚之症皆肝經所主肝屬木木生火火生風故發搐咬牙之疾被犬驚傷所致爲多不必風犬爲然也若爲風邪所襲牙關緊急腰背反張宜用定風散童便調服更以漱口水洗淨傷處搽之若出血不止用燈草貼之其有他症從破傷風法治丹溪之戒不可不知若真爲猢猻所傷則斑猫巴豆之藥亦當暫用蓋以毒攻毒理勢自然毒既內中非此不去但病去卽止便與調補可保無虞不宜確服耳大凡猢猻犬之狀必吐舌流涎尾垂眼赤誠爲易辨其被傷病甚之時必作犬吠亦自不同不可一槩施治也

一小兒犬吠出血抽搐痰盛敷玉珍散服抱龍丸而愈

一小兒素怯弱犬咬出血惡寒發熱過服斑猫之藥殊類破傷

風與玉珍散敷之服十全大補湯倍加釣藤鈎而愈

一小兒被犬傷面青發搐咬牙此因驚所致或謂風犬致傷用

斑猫等藥而歿

一小兒犬傷牙關緊急兼熱發搐余以爲急驚風不信乃服斑

猫等藥而歿

一方治風犬咬用斑猫七箇去頭翅足將糯米一撮同炒米黃

色爲度爲末空心用水調服

又法用硃砂雄黃各五錢爲末空心香菜油調下

玉珍散一名奪命丹治傷損傷風頭痛角弓反張

天南星炮防風去蘆根各等分

右爲末凡破傷風病用藥敷貼瘡口卽以溫酒調下一錢服

之如牙關緊急童便調服二錢垂死心頭溫者急服三錢用

童便一盞煎服

治蛇蝎蜈蚣等惡蟲所傷用大蒜切片置痛以艾壯於灸之毒氣頓解痛即止

又方用白礬於燈上燒汁滴於痛處或用貝母末酒調服之神効或用南星末醋調上擦之或黃蠟燒滴患處亦妙

治蛇入人竅用艾炙蛇尾即出又法以刀破蛇尾少許入花椒自出即用雄黃硃砂為末煎人參湯調灌之內毒即解用白芷末或貝母末酒服尤効

治蛇纏人身不解以熱湯淋之或就以身臥倒滾轉亦可解

治蛇骨刺人毒氣作痛燒鼠屎為末敷之或食熱酒大蒜亦効

治蜈蚣入咽中被咬未死殺雞血灌之更灌以香油探吐血蟲並出

治誤吞水蛭用田中乾泥一塊小死魚三四箇去頭骨和巴豆十粒去殼研爛入泥為丸菘豆大用田中冷水吞下十九小兒三五丸須臾瀉出却以四物湯加黃芪煎服以生血氣自愈

治蠖蝦尿舐人生瘡如粟粒四圍赤中有白汁令人惡寒壯熱匝身即磨犀角汁塗之或燕窠中土猪脂苦酒敷之立効鹽湯浸洗亦可

治蜘蛛咬一身生癩羊乳一味飲之

治蚯蚓呵陰囊腫脹及咬人甚者如大風狀眉鬚脫落夜聞蚯蚓之聲鳴於身濃煎鹽湯浸洗即安

治螻蛄咬用石灰醋和塗之

治毒蟻螫人用雄黃一錢麝香五分研細生麻油調塗之

治蛇蟲刺人用猪牙中垢塗患處

治蜴蜥嚙人用青麻心以手按解取汁塗之

治諸蟲入耳用猪肉炙香置耳邊蟲聞香即出如蟲死在耳中用細蘆筒或鷺翎管令人吸出之

### 瘡瘍發瘕

瘡瘍發瘕因氣血虧損外邪所搏或內虛鬱火所致其症牙關緊急四肢勁強腰背反張肢體抽搐有汗不惡寒者名曰柔瘕風傷衛故有汗也無汗而惡寒者名曰剛瘕寒傷榮故無汗也皆因亡血過多筋無所養傷寒汗下過多及潰瘍產後者多患之此乃敗症也若大補氣血多有復生如作風治速其危矣况在嬰兒難尤調理宜審其稟賦及乳母所致者而治之

一小兒瘡潰後患此形氣殊倦用十全大補湯二劑稍緩佐以

### 補中益氣湯數劑而痊

一小兒患瘰癧變瘕面青或赤此脾經血虛而有熱也用八珍湯加柴胡牡丹皮熱汗漸止又用十全大補湯寒熱漸止又用托裡散附子餅而愈後傷食服尅代藥仍發瘕手足如水余用人參理中丸五味異功散而愈

### 肉桂四劑而愈

一小兒金刃傷脚面出血過多口噤目直此出血過多肝火內動而變症用四物參朮鈞藤鈞四劑其勢稍定又用五味異功散加當歸柴胡變症悉愈又用托裡散八珍湯患處潰而痊

一小兒傷手出血煩躁口噤昏憤氣息奄奄先用東垣聖愈湯而安又用托裡散而潰佐以八珍湯而斂



一女子十五歲傷手指出血口噤如瘕脉浮數肝脾為甚先用加味歸脾湯四劑稍緩又數劑漸甦却佐以加味逍遙散月餘而甦却用歸脾湯為主八珍湯為佐而愈此等症候用祛風化痰之藥而死者不可枚舉

十全大補湯 方見便癰

補中益氣湯 方見肌肉不生

人參理中湯

五味異功散 方見用敗毒之藥

附子餅 方見貼骨癰

托裡散 方見熱毒瘡瘍

歸脾湯 方見膠癰

八珍湯

加味逍遙散 二方見發熱不止

### 破傷風

潔古云風症者善行而變數入臟甚速死生反掌之間耳急宜分表裡虛實而治之邪在表者宜羌活防風湯半表半裡者頭有汗而身無汗宜羌活湯傳入者甚則舌強口噤項背反張筋惕搐搦痰涎湧盛胸腹滿悶或便溺赤閉時或汗出其脉洪數而弦者宜大芎黃湯然其汗初出者由風熱鬱甚於裡故表熱稍解腠理疎而汗出也宜除熱散結若熱已退臟腑已和而汗仍出者表虛也以白朮防風湯實其表牙關緊急者須撮開口灌之更不時灌以粥飲然小兒患之多因夾驚肝火內熱生風所致夫肝主五色屬木生風察其面色入肝為青入心為赤入脾為黃入肺為白入腎為黑肝經者用柴胡清肝散心經者用

梔子清肝散加黃連腎經者用地黃丸加柴胡脾經者用六君  
加山梔柴胡為主而佐以大補脾胃之藥為善

一小兒十四歲患癩瘰因勞心功課頭痛發熱自以為傷風用  
薑葱發汗忽腰背反張口噤不語脈浮大按之如無此氣血虛  
極而變瘰非破傷風也灌十全大補湯一劑良久方甦又數劑  
而愈後又傷復厥冷汗出如注良久不省用前湯加附子五分  
一劑而甦乃去附子服至三十餘劑而愈

一小兒患流注面色痿黃忽舌強口噤脈洪大而虛按之如無  
此脾肺氣虛而變症也先用補中益氣湯四劑稍緩又用十全  
大補湯數劑而痊

一小兒腎癰久不收斂因驚發搐口噤用托裡散內參朮各用  
三錢柴胡五分鈞藤鈎一錢五分四劑而安後停食驚駭目直

發搐口噤流涎手指逆冷用五味異功散此肝木旺脾土受傷  
飲食內作而然用五味異功散加鈞藤鈎木香乾薑而甦

一小兒潰瘍變瘰如前面色青赤此心肝二經血虛而有熱也  
先用八珍湯加柴胡牡丹皮稍定又用加味道遙散加五味子  
漸愈又用八珍湯而安

一小兒潰瘍忽汗出不止手足並冷先用補中益氣湯加肉桂  
五味子數劑諸症漸愈又因飲食過多口噤作嘔用異功散加  
升麻四劑而安

一小兒十六歲癩瘰久不斂因過勞口噤目直脈洪數左關脈  
弦而無力余謂肝經氣血虛而火內動也用地黃丸料四劑而  
安却用補中益氣湯以補脾肺用地黃丸以補腎肝為主佐以  
九味蘆薈丸以治肝瘡而瘰瘡愈

一小兒十六歲流注久不愈因勞兼怒忽仆地昏憤殊類破傷  
風面色皎白無氣以動用補中益氣湯內用人參五錢加肉桂  
一錢不應加乾薑一錢又不應此陽氣虛甚藥力不能勝之也  
急加附子一錢稍定乃去附子服十餘劑而元氣漸復却佐以  
八珍湯豆豉餅半載而痊畢姻後因入試場勞傷元氣前症復  
發亦類破傷風脈浮大按之如無用參附湯四劑而甦八珍湯  
地黃丸料各百餘劑而痊

羌活防風湯治破傷風初病邪在表者急服此藥以解之

羌活

附風

甘草

川芎

藁本

當歸

芍藥

地榆

細辛

右每服五錢水煎熱服

防風湯治破傷風表症未傳入裏急服此

防風

羌活

獨活

川芎

右每服五錢水煎調蜈蚣散大効

蜈蚣散

蜈蚣

一對

右為末用防風湯調下

羌活湯治破傷風半表半裡者急宜服此

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荆子

薄荷

白芷

右每服五錢生薑水煎日二三服

地榆防風散治破傷風在半表半裡頭微汗身無汗不可發汗

表裡兼治

地榆

防風

地丁草

馬齒莧

蘇氏醫案

蘇氏醫案

蘇

蘇

右為末每服三錢溫米湯調服

大芎黃湯治破傷風在內急宜服此湯疎導之

川芎

羌活

黃芩

大黃

各一兩

右每服五錢水煎溫服以臟腑通和為度

白朮防風湯治表藥過多有自汗者

白朮

黃芪

各一兩

防風

二兩

右每服五七錢水煎溫服無時臟腑和而自汗者可服此藥

若臟腑秘小便赤自汗者宜速下之用大芎黃湯

白朮湯治破傷風汗不止筋攣搐搦

白朮

葛根

各二兩

升麻

黃芩

芍藥

甘草

二錢五分

右每服五錢水煎服無時

玉真散治破傷風

方見風火傷

白丸子治一切風疾壅盛手足頑麻或牙關緊急口眼歪斜半身不遂等症

半夏

七兩生用

川烏

去皮生用五錢

南星

二兩

右為末用生薑汁調糊丸桐子大每服一九空心薑湯下余

承乏留都各局用此丸及阿膠俱自製但要藥味真正白丸

子如急備用不及浸內烏頭以火略炮用之亦効

瘈瘲

瘈者筋脈急也瘲者筋脈緩也急則引而縮緩則瘈而申或縮或申動而不正是也俗又謂之發搐凡癩癩風痙破傷風三症皆能瘈瘲則有瘡口潰腐出血然潰瘍傷損者多患之若血氣虛肝火內動生風者用八珍黃芪釣藤鈎佐以地黃丸料如未應專補胃氣肝經血燥生風者用翔羊角散加釣藤鈎山梔若

肝火血燥用加味道遙散加釣藤鈎未應須兼服六味丸以補腎水而生肝木若因乳母有鬱怒肝火致兒爲患者須調治其母仍參五臟相勝而治之

一女子原癩瘰服鎮驚之藥面色黃赤呵欠咬牙余謂肝經氣虛血弱而火動生風用五味異功散加柴胡升麻而愈後因怒復作面赤目直大叫項強關脈洪數先用抑肝散次用地黃丸而愈

一小兒十四歲患此兼呵欠咬牙手欲尋衣所服皆祛風之藥余謂肝經之血復傷矣當用地黃丸以滋腎水而生肝木不信專於祛風化痰虛症蜂起昏憤如醉此胃氣太虛五臟無所資而然也以四君子湯內用人參一兩一日併進三劑雖甦而無氣以動至十三劑却佐以地黃丸料每劑加黃芪五錢又二十餘劑乃愈次年畢姻不月而復發亦用前藥而瘥

一小兒潰瘍後瘰癧因服牛黃丸反加四肢無力項強目直唇白流涎手足厥冷求治於余余曰經云脾之榮在唇口又云脾主四肢又云脾主涎此因前藥妄下胃氣復傷肝木侮土以致前症也當先救胃氣以養五臟因衆議不一尚未用藥翌早果咬牙呵欠困臥驚悸哽氣短氣面色皎白始信余言遂先用五味異功散次用補中益氣湯而愈

一女子癩癧將愈因勤於女紅忽作瘰癧此胃氣未實而勞傷筋脈耳用補中益氣湯及五味異功散俱加釣藤鈎而愈後勞役怒氣經行顫振用加味道遙散及補中益氣湯俱加釣藤鈎而愈

一小兒仆傷潰後患前症面青或赤服風痰之藥咬牙目直仍

欲治風余曰凡傷損之症皆肝主之故面色青而瘈瘲咬牙目  
直皆屬肝經血氣虧損風木翕合火動而生風也無風可祛無  
痰可逐遂用地黃丸及補中益氣湯而愈

一小兒跌傷膝出血誤服大黃等藥患前症或時煩躁自汗手  
欲撮空此因肝經血虛肝火熾盛耳用地黃丸補中益氣湯而  
愈

方見前  
各症

### 顫振

顫振與瘈瘲相類瘈瘲則手足牽引或伸或屈顫振則但顫動  
而不伸屈也內經云因胃氣不實諸脉空虚行陰用不復因其  
所在補肉分間然小兒瘡瘍潰腐或損傷膿血出多屬脾胃氣  
虛血弱用補中益氣湯五味異功散加白朮當歸升麻主之肝

經虛熱用六味丸脾血虛弱用四君子加芎歸胃氣虛弱用補  
中益氣湯

一小兒腿癰內潰出膿碗許即時顫振面白汗出此陽氣虛脫  
非大補不可也遂用人參一兩煎服之汗愈甚手足並冷再用  
人參二兩乾羌二錢煎服良久汗乃稍止再劑諸症頓愈却用  
補中益氣湯加人參五錢數劑而愈

一小兒臂癰潰後顫振少氣脉浮數按之不鼓此元氣虛弱也  
朝用補中益氣湯夕用異功散各二十餘劑未見効因虛甚而  
功力未能及耳又用前藥各二十餘劑顫漸愈後佐以托裡散  
而瘡亦痊

一小兒十六歲臂癰潰而顫振遂用大補中氣之藥而顫止因  
勞發熱癰內潰而復顫脉浮數按之不鼓兩寸脉短小不及本

位或欲祛風余曰長則氣治短則氣病此由胃氣虛甚故也先用獨參湯數劑愈乃佐以補中益氣湯各五十餘劑而愈若加附子一片數劑亦可愈矣

一女子十六歲臂腫一塊肉色不變按之則痛服敗毒流氣之劑更加發顫時孟春面戴陽光手不畏寒脈浮數按之不鼓而短披欲攻毒余曰此榮衛虛弱外寒所搏而為患也又加敗毒胃氣虧損豈不加顫耳遂用人參五錢黃芪三錢當歸熟地各三錢升麻柴胡各五分二十餘劑而顫稍緩乃佐以補中益氣湯內用人參五錢又二十餘劑兼葱熨法而腫亦愈

一女子患癩癩因怒兩手顫振面色或青或赤此肝經血虛火盛而生風也用四物加山梔釣藤鈎龍膽草甘草而顫振漸愈乃去膽草與地黃丸間服而痊後因勞心發熱兩手復振用補

中益氣湯地黃丸而愈

一小兒患臂癱面色或黃或赤先用補中益氣湯地黃丸尋愈後因怒氣顫振先用補中益氣湯加釣藤鈎炒山梔又用加味逍遙散加釣藤鈎而愈又因飲食停滯吐瀉酸臭更加發搐用五味異功散加釣藤鈎而愈

一女子患流注發熱而顫此肝脾氣血不足經水過期虛火生風之症也先用補中益氣湯加釣藤鈎漸愈又用加味地黃丸而全愈

一女子不得繼母之心久而鬱怒遂患顫振面赤發熱先用加味小柴胡湯次用加味歸脾湯及加味逍遙散前後間服而尋愈但面色時青又用地黃逍遙散而安

一女子腹癰患此手足或急或縱先用四物加柴胡山梔丹皮

鈞藤鈎以養血清肝火又用地黃丸以滋腎生肝血而愈  
各見前  
各症

保嬰撮要卷十七

續集

薛氏醫按

吳郡薛 已著

江都吳中珩校

痘疹受病之由

痘疹之由因兒在胎食母五臟血穢伏於命門或至天行時氣  
或驚駭跌撲或飲食所傷因而發之狀類傷寒其症面燥腮赤  
目胞亦赤呵欠頓悶乍涼乍熱咳嗽嚏噴足稍冷耳冷尻冷多  
睡睡驚耳後有紅絲赤脈此其候也五臟各具一証肝藏水疱  
肺藏膿庖心藏斑脾藏疹歸腎變黑盖以太陽起於右腎之下  
煎熒左腎足太陽膀胱寒水夾脊上流上頭下額逆手太陽丙  
火不得傳道逆於面上故顯是諸症盖壬癸寒水尅丙丁熱火  
故也凡瘡疹初起一發便出盡者必重瘡夾疹者半輕半重稀



少者輕裏外微紅者輕外黑裏赤者微重外白裏黑者太重瘡  
端裏黑點如針孔者勢劇也青乾紫陷睡昏汗出不止煩躁熱  
渴腹脹喘喘大小便不通者困也

### 痘疹正狀

痘疹正病蒸熱一日稍涼現癍一日至三日足心齊漸大如珠  
結成膿窠飽滿漸至蒼蠟色自初紅癍爲始計七日當成醫結  
痂此則言其大略也人有虛實之不同病有淺深之各異脾胃  
充實血氣調和皆依期而愈若調治失宜虧損脾胃或寒暄失  
度必致遷延大抵形勢既正而無他症不必用藥此先哲之格  
言也鄭氏云凡痘欲出先發熱輕者三日次五日遠者不過  
七日此約法也一日太陽傳膀胱二日陽明傳胃三日少陽傳  
膽四日太陰傳脾五日太陰傳腎六日厥陰傳肝七日還經五

臟六腑傳遍故七日而止也又有因傷寒至七日以後或已汗  
或未汗或吐下後熱不除此毒氣盛而未發熱毒入胃發於皮  
膚成斑者狀如蚊蟲所嚙赤者十生一死黑者十死一生及有  
胃熱發黃者狀如橘色下利者死又有成隱疹者或白泡者此  
皆傷寒熱毒不除多變此疾故發癍不可用表汗藥也

### 痘疹輕重

輕者作兩三次出大小不等頭面稀少胸前眼中皆無根窠紅  
活肥滿光澤形似水珠不渴瀉不煩躁○重者一齊出密如蠶  
種頂陷如茱萸樣或平頭灰白色渴瀉煩躁頭溫足冷身熱不  
除治之如法十全八九

### 輕變重所犯者七

一忌口味不慎飲食致傷脾胃○先曾泄瀉裏虛毒氣不能發

出○冒風寒所謂春夏之氣為順秋冬之氣為逆大忌感冒風寒損表○犯房室○餌涼藥宜用滋補血氣壯脾之藥不宜清涼宜利之劑裏寒則毒氣不能攻出○穢氣相觸血氣聞香則順聞臭則逆順則易出易膈逆則難愈○生人輒至恐外人由生產房室或臨喪而來或帶醉或食腥氣因此穢惡之觸皆為害也。

重變輕所慎者五

謹避風寒及房內有風亦宜避之惟夏不忌如遇狂風輒寒亦宜避之○常和煖寒則添衣熱則減去務得中和毋令太過不及○節飲食忌柿橘西瓜菱角水蜜等冷物恐內傷胃氣尤忌肥肉油膩恐泄瀉忌鹹物恐作渴忌酒葱蒜魚羊等腥物恐致瘡痒務使脾胃充實其瘡易出易膈也○大便稠飲食調和不

致泄瀉一日二日一次為調日行二三次為利三四日不行為秘○依方調理避風寒節飲食詳症用藥庶不致輕變為重矣  
不治五症

咳嗽聲啞飲食挫喉○腹脹氣促悶亂不寧○渴瀉不止咬牙寒戰○瘡嫩易破痒塌不止○紫黑灰色頂陷喘渴

紅一日……一日先退熱放標者必輕又放標後一日身涼稀密已定仍熱煩躁尚未盡有兩三次出熱方定紅

標  
現二日……二日如粟米大稀而紅滿者吉二日頂陷灰白色者次之


圖三日……三日尖滿如珠者吉灰白色者次之

標  
三日必出定已後身反發熱悶亂煩渴者凶

瘡之圖

初發○○○○有兩三次出大小不一等先出者先灌漿後出者  
如珠○○○○後灌漿如水珠光澤根窠紅活者吉不渴瀉悶煩  
根活○○○○者不必服藥微渴微痒不瀉者不妨亦不須服藥  
若一齊並出稠密灰白色頂陷煩躁渴瀉者急宜  
治之

收靨之圖



瘡已飽滿如膿窠將收漸至蒼蠟色有等無膿有黃白色自  
放標一日為始至七日收靨至十日收完此為正病有遷延  
八九日方靨至十四五日方完亦有之但不瀉渴悶亂其瘡  
飽滿無陷手按之堅硬皆好將收時漸退紅腫或瘡中收靨

覺有黃蠟色或外面先靨根下皺皮男從面收至頤女從  
從面收至胸腹收後離肉不粘易脫俱好有微渴痒痛有身  
收完足收遲亦不妨身微熱不能食者亦有之只怕瘡嫩易  
破悶亂痒塌者凶

靨後餘症

瘡疹收靨之後預宜調理就有出外不避風寒不節餘食  
偏無病者莫非胃實體壯亦宜仔細病初痊臟腑初安脾  
胃尚弱動止飲食過度復病喘咳腹脹必凶又血氣尚弱  
動止太早病復皆凶况肌肉嬌嫩冒風易得感寒頭痛身  
熱則難治矣

腹脹氣促根窠不赤之症

陳文宿先生云痘瘡已出未愈之間或瀉渴腹脹氣促其瘡不  
光澤不起發根窠不紅謂之表虛也先與十一味木香散以和

薛氏醫案 痘疹最要卷十七 四 痘疹

五臟之氣後與十二味異功散送七味肉豆蔻丸以助臟腑之氣竊謂痘瘡既出不光澤不起發不紅活或泄瀉作渴或肚腹作脹或氣促作喘寒戰咬牙或手足指冷肢體攣縮作渴飲湯陽氣虧損內虛寒而外假熱也用十二味異功散若作渴飲湯手足不冷者脾胃虛弱也用五味異功散凡痘瘡先出不如式後出而紅活或成片色赤而穢氣者俱無妨

一小兒出痘四日腹脹瀉渴脾胃虛寒也用十二味異功散一劑又用參芪內托散貫膿靨而忽寒熱咬牙此膿貫而陽氣虧損也用參附湯獨參湯而愈

一小兒痘四日腹脹瀉渴氣促體倦此脾氣虛也用八參白朮散加木香煎送四神丸一服諸症頓止但膿遲作渴此表裡血氣俱虛用參芪四聖散大補湯而愈

一小兒痘瘡作渴腹脹小便不利此邪氣壅滯也用木通芍藥湯一劑諸症稍愈用參芪四聖散其漿漸貫用參芪內托散結靨而愈

一小兒痘瘡將愈腹脹手足或冷或熱此陽氣虛寒也先用十二味異功散手足不冷此陽氣漸復也乃用五味異功散加木香而愈

一小兒痘瘡大便利而小便秘腹脹作喘手足並冷此脾氣虛也先用葶藶木香散一劑又用五味異功散加木香二劑而愈後腹脹不食口角流涎仍用五味異功散而痊

一小兒痘瘡將愈忽腹脹泄瀉侵晨為甚飲食不化余謂脾腎虛弱朝用人參白朮散夕用二神丸而瀉止又用參芪內托散兼托裡散而靨

一小兒痘瘡腹脹泄瀉飲食不化此脾腎氣虛用人參白朮散  
豆蔻丸而愈

參芪內托散治裡虛發痒瘡不潰倒靨

人參

黃芪炒

當歸

川芎

厚朴羌製

防風各五分

桔梗

白芷

官桂各三分

紫草五分

木香

甘草各三分

右入糯米一撮水煎量服之

寒戰咬牙飲水瀉渴亦宜服之

參芪四聖散治痘瘡已出六七日不能長不生膿或痒塌

當歸

芍藥炒

黃芪

川芎各五分

白朮

茯苓

紫草如無紅花代之

木通

防風各三分

糯米二百粒

右水煎母同服

葶藶木香散治大便自利小便澀滯喘嗽腹脹不能食多服為

妙

猪苓

澤瀉

茯苓

白朮

官桂各五分

滑石二錢

葶藶

木通

木香

甘草各五分

右水煎量大小服之

木通芍藥湯治痘瘡作渴腹脹小便不利

木通

芍藥

白朮各五分

川芎

陳皮

乾葛各三分

甘草二分

右水煎服

十全大補湯

當歸

川芎

白芍藥炒

熟地黃

人參

白朮

白茯苓

甘草炒

黃芪炒

官桂各等分

右水煎量兒大小服

參附湯治痘疹陽氣虛寒咬牙寒戰手足並冷或吐瀉不食飲

薛氏醫按

保嬰撮要卷十七

六

痘疹九

沸湯不知熱用獨參湯加好真附炮如法者每劑先加一錢未應多加之更不應加至四五錢或等分亦不妨但用之以運其陽氣如已脫者不治

獨參湯治陽氣虛弱痘瘡不起發不紅活或膿清不滿或結痂遲緩或痘痕色白或嫩軟不固或膿水不乾或時作痒或畏風寒用好人參一兩生薑五片大棗五枚水二鍾煎八分徐徐溫服嬰兒乳母亦服

胡荽酒

用胡荽一把以好酒二鍾煎一兩沸令乳母含噴兒遍身頭面并房中須燒胡荽香能辟除穢氣使痘疹出快若痘疹已出而飲食少思宜用棗子燃炙兒聞棗香尤能開胃進飲食解毒氣若因飲食停滯未及消導者不宜用

托裏消毒散

托裏散 二方見痘癰

七味白朮散 即人參白朮散方見痘瘡屬陰屬陽

十一味木香散

十二味異功散 二方見痘灰白色

五味異功散 方見痘寒戰咬牙

肉豆蔻

二神丸

四神丸 三方見瀉渴咬牙

發熱口渴煩躁不止之症 二

陳文宿先生云瘡疹始出一日至十日渾身壯熱大便黃稠是表裡俱實其瘡必光澤起發必肥滿必易靨而不致損傷也又

苗氏醫按 傷寒要略卷十七  
云痘瘡發熱口渴煩躁不止者切不可與冷水蜂蜜柿子西瓜等生物及清涼飲消毒散等藥恐內生脾胃以致腹脹喘滿寒戰咬牙則難治竊謂前症若二便自調飲食溫和口渴飲湯手足不熱是為虛熱不可食生冷之物若二便秘結飲食喜冷口渴飲水手足並熱是為實熱可與冷水飲之凡痘出而熱未止者既出盡則熱自止

一小兒腹脹發熱密而根顆不明色不紅活漿不滿先君謂脾氣虛而毒未盡也用參芪四聖散痘果復出熱止紅活分明又用參芪內托散而靨

一小兒腹脹作渴發熱成片先君謂脾氣虛弱痘毒未盡用參芪四聖散二劑先出者貫漿後出者穢氣而愈

一小兒痘腹脹二便自利手足並冷先君云脾胃虛寒用十二

味異功散一服又用五味異功散加木香二劑却去木香又一服而痊

一小兒痘瘡發熱作渴此痘出未盡脾胃虛而熱也用人參麥門冬散一劑痘復出而熱渴止用人參白朮散而飲食進用參芪四聖散而漿潰用托裡散而瘡靨

一小兒痘腹脹足冷內熱作渴此胃氣虛而津液不足也余先用五味異功散二劑又用參芪四聖散膿貫用人參白朮散而靨

一產婦出痘寒戰咬牙腹脹作渴足冷身熱此脾胃內虛寒而外假熱先用十全大補湯加桂附四劑乃去附易乾薑又四劑却用參芪四聖散五味異功散加歸芪而靨

一妊婦出痘發熱足冷腹脹此脾氣虛弱而毒未發也用紫草

木香散及用八珍散而貫膿倍加參芪又數劑而愈  
人參麥門冬散一名麥門冬散治痘瘡發渴

麥門冬一兩 人參 甘草 陳皮 白朮

厚朴羌製各半兩 右每服三錢水煎量兒大小加減

按前方若因熱毒作渴宜用之若因中氣虛弱作渴當用八  
參白朮散

紫草木香散治痘瘡裏虛痒塌黑陷發熱

紫草 茯苓 甘草 白朮 木香

人參各等分 糯米 右每服三錢水煎

清涼飲方見大便不通

人參白朮散方見發熱屬陰屬陽

托裡散方見痘癰

十全大補湯方見腹脹氣促

十一味木香散

十二味異功散二方見痘灰白色

參芪四聖散方見腹脹氣促

八珍湯方見頂陷灰白色

痘瘡出遲屬各經所主 三

陳文宿先生云痘瘡出不快誤言毒氣壅盛用藥宜利解散致  
臟腑受冷榮衛澁滯則氣血不能充貫其瘡不起發不光澤不  
充滿不結實不能成痂多致痒塌煩躁喘渴而死竊謂海藏云  
痘瘡出不快如身後出不快者足太陽經也用荆芥甘草防風  
湯身前出不快者足陽明經也用升麻葛根湯身側出不快者  
足少陽經也用防風芍藥甘草湯若便利調和而出不快者熱



在表也宜葛根湯微發之又有上中下三部先上部次中部又次下部纔出齊而自愈又有作三次而出者錢氏云三日不快不出用消毒之藥仍不出脉平靜者本稀也不必服藥大凡五六日間當解毒補托以盡發於表七八日間毒氣不能盡出而反入於內必用藥驅出之痘疹方云瘡起遲而小便澀滯咳嗽有痰用仙聖散出而不長隱於肌膚用人參透肌散色赤而出不快用紫草透肌散出而不勻用升均湯出而不長不貫用參芪四聖散出而色不紅活用紫草快斑湯出而小便赤澀用紫草木通湯出而漿不回用參芪內托散若色赤而兼痒者屬血虛有熱用四物牡丹皮色白而兼痒者屬氣虛有熱用五味異功散加當歸木香若發熱大便秘者用犀角消毒散發熱大便調和者用人參麥門冬飲寒戰渴瀉飲沸湯口不知熱用十二

味異功散作渴飲冰雪口不知寒用四順飲地黃丸手足不冷飲湯溫和者用五味異功散或托裡散

一小兒發熱痘出身涼根顆紅活余謂表裡血氣皆實而不用藥後果然凡三四日前先發熱而痘出或熱一次涼一次而痘出者毒勢輕也皆不必用藥其血氣實而托裡血氣虛而宜毒者多致有誤

一小兒痘出不快色次紅活此血氣虛弱用參芪四聖散出而色赤再劑色紅活起發又用透肌散而靨

一小兒第九日痘將靨而熱不止脉滑而數皆為不治先君謂痘未盡耳非敗症也遂用快痘湯一劑果出一番至十七日而痂落

一男子發熱咳嗽噴面燥腮頰目胞皆赤遍身赤癩余謂此

心臍痘疹之狀也彼因疑惑而未用藥餌旬餘赤癩皆為膿疱且紅活起發余謂痘疹明矣既紅活起發不必服藥至十七日大便下膿血瘡痂而痊

紫草透肌散治痘瘡色赤不快或痒湯

紫草 蟬脫 木通 芍藥 甘草各分

右每服三錢水煎

人參透肌散治痘瘡虛而有熱雖能出快而不齊整隱於肌膚間者

人參 紫草如無紅花代之 白朮 茯苓 當歸

芍藥 木通 蟬腿 甘草 糯米

右每服二錢水一盞半煎半盞徐徐服

紫草木通湯治痘疹出不快小便赤澀

紫草 木通 人參 茯苓 糯米各分

甘草減半 右每服二錢水煎

防風芍藥甘草湯

防風 芍藥 甘草 右每服一二錢水煎

荆芥甘草防風湯

荆芥 甘草 防風各等分 右每服一錢水煎

升均湯治痘瘡已出不均或吐瀉熱渴

升麻 乾葛 芍藥 人參 白朮

茯苓 甘草 紫草茸如無紅花代之

右每服三五錢薑水煎量服之

四物湯治痘瘡血虛發熱或煩躁不寐作痒色赤

當歸 熟地黃各二錢 芍藥炒 川芎各一錢 右水煎服

仙聖散治痘出不快小便赤澀咳嗽有痰

紫草

枳殼

黃芪

甘草

木通

各等分

右每服二錢水煎

十二味異功散

葛根湯

參芪內托散 二方見腹脹氣促

升麻葛根湯 方見水痘麻痘

紫草快癍湯 方見大便不通

四物湯 方見痘瘡出遲

人參麥門冬散 方見前

參芪四聖散 方見腹脹氣促

五味異功散 方見寒戰咬牙

犀角消毒散 方見

清涼飲 方見大便不通

地黃丸 方見痘瘡發熱犀陰屬陽

泄瀉咬牙作渴之症 四

陳文秀先生云痘瘡瀉水穀或白色或淡黃者宜服十一味木香散送肉荳蔻丸若瀉多津液內耗血氣不榮其瘡雖起發亦不能結靨如身溫腹脹咬牙喘渴者難治緣津液枯耗而飲水不止瀉散真氣故多死也速與十一味木香散救之如不愈急用十二味異功散竊謂荳蔻丸治陽氣虛寒滑瀉之澁劑蓋腎主大便若因腎氣不固而致前症者宜用十一味木香散或六君子湯送四神丸若欲瀉不瀉脾氣虛而下陷也用補中益氣湯加肉荳蔻飲食不化手足並冷脾氣虛寒也用四君子湯加

附子

一小兒出痘泄瀉腹脹煩渴飲沸湯而不知熱先君謂陽氣虛寒用十一味木香散二劑泄瀉頓止飲湯嫌熱此陽氣復也乃用六君乾薑木香歸芪而屬

一小兒痘瘡愈後泄瀉飲食不化此脾腎氣虛用六君補骨脂肉荳蔻瀉止用參芪四聖散接補元氣而痊

一小兒發熱飲冷唇舌皴烈瀉糞穢臭先君以為內蘊用前胡枳殼散一劑稍愈又用竹葉石膏湯加漏蘆乳母服之其兒頓安

一小兒痘後作瀉久不愈而肌體骨立此脾腎虛弱也用二神丸五味異功散漸愈因停食吞酸作瀉肚腹重墜此脾氣下陷也先用補中益氣湯為主佐以五味異功散漸愈又用參芪四

聖散托裡散治其瘡而痊

一小兒出痘發熱燥渴色黯出血足熱腰痛此脾腎虛熱用聖濟犀角地黃湯一劑却用地黃丸料數劑而貫又用參芪內托散而痊

一小兒痘瘡將愈侵晨泄瀉飲食不化余以為腎瀉朝用補中益氣湯夕用二神丸而愈

四神丸治脾腎虛弱大便不化飲食不思或泄瀉腹疼等症

肉荳蔻 二兩 補骨脂 四兩 五味子 二兩 吳茱萸 浸炒 一兩

右為末用水一鍾生薑八兩紅棗一百枚煮熟取棗肉丸小豆大每服二三十丸食前白湯下去五味子吳茱萸各二神丸

二神丸治瘡瘍因脾腎陰虛泄瀉

薛氏醫案

保嬰撮要卷十七

七

四百九

補骨脂

四兩

肉苳蔻

二兩 生用

右為末用紅棗四十九枚生薑四兩水一鍾煮乾取棗肉九  
桐子大每服二三十丸白滾湯下

肉苳蔻丸治瀉水穀或白或淡黃不能止者

木香

縮砂仁

各二錢

白龍骨

煨

訶子肉

半兩

赤石脂

七錢

枯白礬

七錢

肉苳蔻

半兩

右為末糊丸黍米大一周歲每服三五丸三歲兒服百丸  
米飲下瀉甚者前木香散或異功散送下

竹葉石膏湯治痘瘡胸中煩熱小便赤澀口乾作渴兼有赤癍

者亦宜服犀角散

方見頂陷心煩

七味白朮散

即人參白朮散方見後

六君子湯

四君子湯

十一味木香散

十二味異功散

四方見痘灰白色

托裡散

方見痘癰

五味異功散

方見寒戰咬牙

前胡枳殼散

方見涕唾稠粘

痘瘡發熱屬陰屬陽之異五

陳文宿先生云痘瘡之症有陽盛陰虛有陰盛陽虛陽盛者飲  
水雪而不知寒陰盛者飲沸湯而不知熱陽盛則補陰用木香  
散加丁香官桂陰盛則補陽用異功散加木香當歸竊謂經云  
大寒而甚熱之不熱是無火也當益火之源以消陰翳大熱而  
甚寒之不寒是無水也當壯水之主以鎮陽光若前症發熱作

薛氏醫案

保嬰撮要卷十七

痘

痘

渴手足並冷大便自利喜飲熱湯此陰盛也宜用十二味異功散八味丸若發熱作渴大便秘結手足並熱喜飲冷水此陽盛也宜用四順散六味丸若煩熱作渴面赤睛白此為腎經虛熱宜用地黃丸之類治之及時亦有生者京師小兒出痘或作渴喜飲冷水者恣與飲之再不服藥如期而愈亦無痘毒之患蓋北方人臥火坑飲燒酒有熱與水相構而然也小兒面色目睛多白者乃稟腎氣虛也出痘必作渴用地黃丸煎與恣飲多有生者

一小兒痘寒戰咬牙瀉渴腹脹手足並冷時當仲夏飲沸湯而不知熱此脾胃虛寒之極也先用十二味異功散一劑頓安又用六君附子一劑後用五味異功散而愈

一男子出痘色紫作渴飲水腰痛足熱耳聾此稟腎氣不足用

加減八味丸料煎與恣飲熱渴頓止佐以補中益氣湯加五味子麥門冬滋其化源而愈

一小兒十四歲出痘色黯兩足及腰熱痛便秘咽乾口渴引飲先君謂稟腎不足用加減八味丸料作大劑煎與恣飲至二斤諸症悉退又佐以益氣湯及八珍湯各十餘劑而痊

一小兒痘瘡發熱作渴腹脹寒戰咬牙飲冰雪而不知寒悉似火症但兩足並冷此陽氣虛寒也先用十二味異功散一劑隨用五味異功散加薑桂漸愈乃去桂又二劑而痊

六味地黃丸治腎虛痘瘡發熱作渴等症

熟地黃

八兩

山藥

山茱萸

肉各四兩

澤瀉

白茯苓

牡丹皮

各三兩

在名方入地黃膏量加米糊丸如小豆太煎服尤好

七味白朮散一名人參白朮散治胃氣虛弱或因尅伐或因吐瀉口乾作渴飲食少思如飲冷者去木香

藿香 白朮 木香 白茯苓 甘草炒  
人參 乾葛 右每服五錢水煎徐服

八珍湯

十一味木香散

十二味異功散三方見痘灰白色

補中益氣湯

五味異功散二方見寒戰咬牙

加減八味丸即六味地黃丸加五味子肉桂

清涼飲方見大便不通

痘瘡大便不通之症六

陳文宿先生云痘疹四五日不大便以肥猪腰白水煮熟切豉大五七塊與食之滋潤臟腑瘡痂易落切不可妄投宣利之藥恐真氣內虛瘡毒入裡如六七日身壯熱不大便其脈緊盛與三味消毒飲微利之竊謂前症若毒在肌肉而未能盡發脈浮而緊者最宜此藥疎解其毒若脈沉而緊者宜用前胡枳殼散疎通毒氣以絕其源若口舌咽喉腫痛瘡毒甚也用射干鼠粘子湯若大便既通作渴飲湯脾胃氣虛也用人參白朮散凡燥糞在直腸不能下者宜用猪膽汁導之忌用疎利之劑恐復傷胃氣則瘡未出者不能發出已出者不能貫屬大抵分辨虛實當以手足冷熱或飲水飲湯驗之

一小兒大便不通痘赤作痛發熱口渴手足並熱此餘毒內作用前胡枳殼散一劑大便隨通諸症頓退又與六味活血散而

愈

一小兒痘瘡發熱作渴熅赤脹痛大便秘結此熱毒在內先用  
清涼飲一劑諸症稍退又用鼠粘子湯一劑諸症全退再用紫  
草快癩湯而貫膿更用消毒飲而痘靨

一小兒痘赤狂喘大便不利此胃經有熱先君治以犀角地黃  
湯芹菜汁而痊

四順清涼飲治積熱頰赤作渴四肢驚掣大便秘澀

赤芍藥

當歸

甘草

大黃各等分

右每服一錢水煎

按清涼飲乃苦甘疎瀉內熱之劑若熱毒在內大便不通表  
無他症宜用之連翹飲乃苦寒發表內疎之劑若表裡實熱  
煩渴飲冷大便不通小便秘結者宜用之不可過劑恐妄發

則成癩爛妄下則成虛脫也

消毒飲

荊芥二錢 防風

牛蒡子各一錢五分 甘草一錢

右水煎量服之

射干鼠粘子湯方見痘咽痛

三味消毒散

人參白朮散二方見靨發熱

前胡枳殼散方見涕唾稠粘

六味活血散方見痘癰

紫草快癩湯

清涼飲

消毒飲三方見大便不通



犀角地黄湯 方見頂陷心煩

欲靨不靨欲落不落之症 七

陳文宿先生云痘瘡自始出至十三日當忌外人恐有卒暴風寒穢惡或狐臭之氣觸之父母仍忌房事若痘欲靨不靨其痂欲落不落若腹脹煩渴忌食水蜜生冷之物若食之轉渴而死急與木香散救之如身熱煩渴者宜服人參麥門冬散身熱大渴人參白朮散如不愈仍服木香散竊謂前症乃脾胃氣虛津液不足所致非實熱為患也如身熱煩躁手足發熱脾胃有熱也用人參麥門冬散身熱作渴手足微冷者脾胃氣虛也用人參白朮散腹脹泄瀉或寒戰咬牙脾胃虛寒也用十一味木香散泄瀉氣促手足並冷脾氣脫陷也用十二味異功散凡瘡結痂作靨皆由元氣充實而內融也若審見虛弱便與滋補血氣

無虧可保終吉若見不靨而投補劑恐不及而誤矣

一小兒十二歲出痘不靨腹脹泄瀉不食手足並冷先君謂脾氣虛寒用十一味木香散一劑諸症頓愈再劑不時索食但惡寒此脾氣猶虛也用五味異功散加木香及六君子湯而諸症愈又用參芪內托散而痂落

一男子三十歲遍身發熱作痛有赤顆旬餘始知為痘用參芪四聖散托裡散各四劑欲靨不靨用十全大補湯數劑而痂脫一姪婦出痘月餘欲靨不靨面赤晡熱此肝脾血虛而有熱也先用加味逍遙散熱退又用八珍牡丹皮而熱止但氣血皆虛用十全大補湯而痂脫

一小兒出痘貫膿不靨症如實熱余謂血氣虛甚之假熱也用十全大補湯數劑漸愈忽又惡寒余又曰此邪氣退而真氣遂

見虛象也仍用前藥內參芪各五錢數劑而愈

十全大補湯治稟賦不足寒熱自汗食少體瘦發熱作渴頭痛

眩暈方見氣促

逍遙散即加味逍遙散去牡丹皮山梔治乳母肝脾有熱致痘瘡欲靨不靨欲

落不落

當歸

甘草炙

芍藥

酒炒 茯苓

白朮炒

柴胡各一錢

右水煎母子同服

十一味木香散

十二味異功散二方見痘灰白色

六君子湯方見痘灰白色

五味異功散方見寒戰咬牙

人參麥門冬散

人參白朮散方見靨發熱

參芪托裡散

托裡散二方見痘癰

涕唾稠粘大便堅實之症八

陳文宿先生云瘡痘涕唾稠粘身熱鼻乾大便如常小便黃赤用人參清膈散如痰實壯熱胸中煩悶大便堅實臥則喘急用前胡枳殼散竊謂前症若肺胃實熱氣鬱痰滯或大便秘結小便赤澀煩渴飲冷宜用人參清膈散表散外邪疎通內熱使邪不壅滯若毒蘊臟腑大便秘結用前胡枳殼散疎導其裡調和榮衛使邪自解散若痰嗽涕唾鼻寒不利宜用惺惺散或參蘇飲發散外邪庶元氣不傷痘瘡輕而易愈

一小兒痘瘡涕唾稠粘鼻塞不利此風邪所傷肺用參蘇飲一

劑稍愈又用惺惺散而痊

一 小兒痘赤壯熱痰甚煩躁飲冷此脾肺實熱用人參清膈散頓退又用片菜汁而靨

一 小兒痘瘡作渴飲冷痰涎不利此上焦熱毒所致先君用人參清膈散犀角地黃湯各一劑熱退痰清又用四聖散而痘起漿貫用參芪四聖散漿回痂脫

一 小兒涕唾稠粘大便黑尿此胃經熱毒先君用聖濟犀角地黃湯片菜汁而痊

一 小兒痘愈後涕唾口乾飲湯腹脹此胃氣虛熱而津液不足也先用人參白朮散二劑後用五味異功散而愈又用參芪四聖散參芪內托散而痊

一 小兒涕唾稠粘痰喘作渴大便不利此熱毒蘊於內用前胡

枳殼散一劑諸症頓退又用濟生犀角地黃湯二劑而愈

前胡枳殼散治涕唾稠涎痰實壯熱胸中煩悶大便堅實臥則

喘急

前胡

枳殼麩炒

赤茯苓

大黃炒

甘草

炙各等分

右每服三錢水煎如身溫尿微并瀉者不可服

按前方若肺實胃熱氣鬱痰滯大便秘結小便赤澀煩渴飲冷脈數宜用此方以表散外邪疎通內臟使邪氣不壅滯且痘瘡輕而易愈

紫草四聖散治痘瘡出遲倒靨或小便赤澀發熱

紫草

木通

甘草炒

黃芪

炒各等分

右每服二三錢水煎服加欵冬花桔梗等分名仙聖散

參蘇飲治時氣傷風發熱惡寒咳嗽未明痘疹疑似之間此藥

甚為穩當

前胡

人參

紫蘇葉

乾葛

半夏

茯苓

各三分

枳殼

陳皮

甘草

炙

桔梗

各二分

右水煎服

人參白朮散治胃氣虛弱涕唾稠涎或因尅伐吐瀉口乾作渴

飲食少思

方見屬陰屬陽  
即七味白朮散

五味異功散

方見寒戰咬牙

人參清膈散

即十六味清膈散

犀角地黄湯

二方見頂陷心煩

四聖散

方見發熱屬陰屬陽

參芪四聖散

參芪內托散

二方見腹脹氣促

惺惺散

方見癡症

頂陷灰白瀉渴之症

九

陳文宿先生云痘瘡出二三日始出如粟米狀或菜豆大似水珠光澤明淨根窠紅者不須服藥若四五日大小不等根窠光澤明淨者亦不須服藥如陷頂灰白瀉渴者服木香散丹溪先生云痘瘡灰白色靜者怯者作寒看燥者勇者熾發者作熱看若初出之時色白者便須大補氣血參芪芍歸朮芍甘草升麻木香丁香瀉者加訶子肉荳蔻若白色將靨如豆殼者蓋因初起飲水過多其靨不齊俗呼倒靨不妨但服實表之劑自愈如毒鬱於裏大小便秘者隨通利之竊謂前症不起發不紅活者此因脾肺氣虛用參芪四聖散頂陷灰白瀉渴者脾肺虛寒用木香散異功散若灰白色或痒而膿不貫用紫草四君木香色

赤或痒而膿不貫用紫草木通湯貫而膿清稀用參芪內托散不應加附子緩則不救已出危症如出痘多有生者

一小兒色淡白痒場此脾肺氣虛血弱也用紫草快癩湯參朮各三錢二劑稍應又二劑紅活起發又用托裡散參朮各三錢貫膿而愈

一小兒九歲痘色白手足冷此脾胃虛弱用六君子湯加木香當歸紫草四劑又用參芪四聖散加參芪各三錢而靨至十七日發熱煩渴脉洪大而虛用八珍湯而愈

一小兒十六歲痘色白脉虛浮按之甚微而短形氣倦怠飲食少思此血氣虛弱用紫草木香散內人參五錢十劑色微赤又用獨參湯而貫乃用十全大補湯補中益氣湯共用參二斤餘而靨隨人科舉畢發熱痕痒淡赤昏倦不食急灌以獨參湯而

甦又用斤餘却用十全大補湯補中益氣湯而安

一小兒痘瘡七日變灰白色手足並冷腹痛瀉瀉先君謂陽氣虛寒用十二味異功散不信已而飲沸湯不知熱始投前藥二劑陽氣頓復却用獨參湯參芪四聖散而愈

一小兒十五歲因科舉勞傷元氣出痘色白貫膿不靨眼閉昏憤飲食與之則食手指輕捏不冷重按良久則冷其脉輕診而浮重按如無不及兩寸此陽氣虛弱而無邪耳用人參一兩乾薑一錢棗五枚二日進四劑結靨眼開又二劑其眼常開呻吟不絕再劑却佐以補中益氣湯二十一日始言但氣短云遍身痛如錐索食月餘而靨始末悉用前二湯更無他餌

一孕婦發熱墜胎昏憤遍身見痘灰白色飲食藥餌到口卽作嘔惟灌熱湯則飲之乃擇壯年婦乳灌之不輟日灌數碗旬餘

省索食云胸腹脹滿此脾氣虛而乳食壅滯令細呬濃茶半鍾  
胸滿即寬四十餘日而靨後因勞心發熱如多用四君參芪炮  
薑而痊

一男子年三十發熱頭痛四肢拘急服解表之藥熱益甚遍身  
紅點漸成膿窠已灰白此痘瘡因氣虛耳用參芪四聖散托裡  
散色赤膿貫而靨

一小兒第十日不紅活漿不滿先君謂氣血虛弱用參芪托裡  
散數劑出贈痘紅活起發又用十全大補湯而愈

十一味木香散

- 木香 大腹皮 人參 桂心 赤茯苓
- 青皮 前胡 訶黎勒去核 半夏 丁香
- 甘草炙各三錢 右每服三錢生薑三片水煎量大小服

十二味異功散

- 木香 官桂各三錢去粗皮 當歸三錢半 人參
- 茯苓 陳皮 厚朴 白朮各二錢 半夏
- 丁香 肉豆蔻二錢半 附子炮去皮一錢
- 右每服三五錢薑五片棗三枚水煎量大小服此藥家傳五

世累經効驗

愚嘗治癰疽陰症凡雜症陽氣脫陷與寒氣逼陽於外者發  
熱煩躁口乾作渴投以薑桂附子之類津液頓生煩熱頓退  
其應如響人但不習而察之耳

八珍湯治痘瘡氣血俱虛者此方主之若因脾氣虛弱而不能  
生血者宜用異功散

- 當歸 一錢 川芎 五分 芍藥炒七分 熟地黃酒洗 人參

白朮炒

茯苓

各一錢

甘草

炙五分

右每服二三錢薑棗水煎

豆蔻丸

方見咬牙

丙托散

即托裡散方見痘癰

紫草快癍湯

方見大便不通

四君子湯

六君子湯

二方見不膈

參芪丙托散

方見腹脹氣促

紫草木香散

方見大便不通

補中益氣湯

方見寒戰咬牙

四聖散

方見痘出不快

參芪四聖散

十全大補湯

獨參湯

三方見腹脹氣促

紫草木通湯

方見痘出遲

寒戰咬牙飲水瀉渴之症

陳文宿先生云痘瘡六日至七日肥滿紅活光澤八日至九日肥滿蒼蠟色者皆不須服藥如身溫氣促口乾肚脹足冷寒戰咬牙飲水瀉渴者急用木香散加官桂丁香服之如不愈服異功散蓋咬牙者齒稿也竊謂前症若手足並冷渴飲熱湯大便泄瀉者陽氣虛寒也宜熱補之手足不冷大便不利渴飲溫湯者脾氣虛熱也宜調補之手足不熱大便不利渴飲熱湯者脾胃虛弱也宜溫補之治者審焉

一小兒出痘寒戰咬牙四肢倦縮大便自利手足並冷喜飲熱

湯此陽氣虛寒也用十二味異功散末二錢諸症頓退又用人參白朮散參芪四聖散而磨

一小兒十四歲面色忽赤忽黑出痘寒戰咬牙作渴煩熱喜飲熱湯此陽氣虛寒也用十全大補湯散煩渴頓止乃以八珍倍加參芪至膿貫又作渴面赤此膿成而血氣虛也用當歸補血湯八珍湯而磨至月餘面赤煩渴或時昏憤痘痕如赭或時作痒脈洪大按之如無此血脫也用大劑當歸補血湯而安

一小兒痘瘡寒戰咬牙內熱作渴形氣倦怠雖起發而欠紅活此陽氣虛弱也用參芪四聖散而結痂忽作瀉發熱此脾氣虛也用人參白朮散參芪內托散而磨

一小兒痘瘡咬牙面黃飲湯此陽氣虛弱也用五味異功散加木香而愈後仍咬牙面赤作渴至夜為甚此脾腎陰虛也用地

### 黃丸大補湯而愈

一小兒膿不貫兼寒戰咬牙腹脹屬脾胃虛弱用四君子肉桂歸芪肉豆蔻又用參芪四聖散而痊後用托裡散四君子湯而磨

一小兒痒塌寒戰咬牙喜飲溫湯手足不熱屬陽氣虛弱也用參芪四聖散諸症已退用參芪托裡散其漿漸貫用十全大補湯其痂頓磨

一小兒十四歲痘將愈忽寒戰手足並冷脈微細而不及兩寸乃脾氣虛熱用五味異功散獨參湯十全大補湯而愈

一婦人愈後寒戰脈浮大按之微細此血氣虛也用十全大補湯三十餘劑而愈後因勞寒熱往來寒時手足如冰熱時手足如炙脈浮大重按則細此陽氣虛甚也朝用補中益氣湯加桂附各一錢夕用八味丸料倍加桂附各五十餘劑而安



一 小兒咬牙作渴面色忽白忽赤脉洪數按之無力左關尺爲其此屬腎虛也用地黃丸補中益氣湯尋愈後因驚面青目赤呵欠咬牙手尋衣領此肝經虛熱用加減八味丸料煎與恣飲頓安又用補中益氣湯而痊

一 小兒咬牙作渴飲冷大便微秘寒戰痘赤多在身側此屬膽經虛熱也用小柴胡湯柴胡麥門散各一劑又用加味四物湯而痊

當歸補血湯治痘瘡血氣虧損或妄服峻劑到血氣俱虛肌熱大渴喜飲目赤面紅晝夜不息其脉洪大而虛重按全無其症似宜服白虎湯但脉不長實爲可驗耳若服白虎湯必死  
黃芪炙一兩 當歸二兩 右水煎徐徐服  
補中益氣湯

人參

黃芪炒

白朮

甘草

當歸

陳皮

錢各一

柴胡

升麻

各二分

右薑棗水煎徐徐服

五味異功散

人參

茯苓

白朮炒

甘草

陳皮

右每服二三錢薑棗水煎爲末調服亦可

加減八味丸

即六味丸加五味子四兩肉桂一兩

治腎經陰虛虛火上炎作渴咬

牙或口舌生瘡或痰涎湧盛

六味地黃丸

加肉桂附子各一兩各八味丸二方見發熱屬陰屬陽

獨參湯

方見腹脹氣促

小柴胡湯

方見痲症

十一味木香散

十二味異功散 二方見痘灰白色

十全大補湯 方見腹脹氣促

八珍湯

柴胡麥門冬散 二方見頂陷灰白

參芪四聖散 方見頂陷心煩

七味白朮散 方見痘發熱即  
人參白朮散

